

北京日報 第二百六十七冊

四月廿二日

代表人朱淇

宮門抄

四月二十一日外務部 欽天監 侍衛處值日無引 見 溥倬假滿請安 王中堂等得賞暑藥謝 恩 署理江
寧操學使陳伯陶謝 恩 莊浪城守尉倭和請 訓 明誠 錫廉預備 召見 錫公因修墓請假兩個月 掌
儀司奏 二十九日祭 奉先殿櫺貝子行禮
召見軍機 明誠 錫廉 倭和

上

諭

四月二十一日奉

上諭江蘇徐州道署韓慶雲調補欽此

上諭江西南昌府知府員缺緊要着該署撫於通省知府內揀員調補所遺員缺着于齊慶補授欽此

上諭福建興泉永道員缺着曾廣銓補授欽此

上諭山東按察使着袁大化補授欽此

曾廣銓許育琪著內用內閣中書二缺着桂芳斌清補授擬補內閣中書連增尹克昌俱着准其補授截取繁缺道翰林
院侍講鄒福保編修吳慶坻熊方燧劉元亮太常寺典簿李光傑俱着照例用保送直隸州知州刑部主事桂蒂姚大
榮韓墀俱着交部記名以直隸州知州用期滿察哈爾游牧主事啓忠着授爲游牧員外郎准補陝西鳳翔府知府尹
昌齡着准其補授保舉山東補用知縣程長慶丁樂沅四川補用知縣邱保泰梅觀葵俱着照例用山西道監察御史
員缺着慶斌補授保送分發知府裁缺盛京兵部員外郎喜亨着以知府分發省分補用保送撫民同知盛京裁缺禮
部助教錫庚錫德俱着交部記名以撫民同知用保送知縣盛京裁缺兵部筆帖式音德琿着交部記名以知縣用保
送分發安徽補用直隸州知州吳德增着照例發往欽此

專電

法總統贈三大臣寶星

三大臣游法法總統贈澤公二等榮光寶星尙李二大臣各贈三等榮光寶星隨員十人各分贈四五等寶星云

代論

譚觀學上呈政務處立憲政見書 (續稿)

一曰上議院之組織宜參酌各國務求完備也考古代諸國往往有用一議院之制者近世則反是凡文明立憲國無不用兩議院其名雖各不同而以普通語譯之則上議院下議院者近是吾國今日而採行立憲制其必不能不建兩院無待言也惟上議院之組織必當審吾國情勢措置得宜然後可以塞天下之望考日本上議院名曰貴族院其議員之資格凡分三種一曰皇族凡成年者皆列焉二曰華族則五等之爵各目互推也三曰勅選議員復分兩種一則有勳勞有學識者二則多額納稅者此其制度殆審度其國情而導探他國成例以定之在彼國可謂適切也已然以施諸吾國則有萬難實行者如彼之皇族男女合計不過數十人其男子之在成年以上者不滿二十故以成年為限無所窒礙若我朝天潢瓜瓞椒衍自親王至奉恩將軍下逮閑散宗室其派衍之盛迥非日本比若採其例上議院雖大數倍於日本猶不能容若僅以貳支則似乖古人典祀豐昵之戒且將來國祚與天無極十數葉以後其視宣宗文宗之子孫亦如今如祖太宗之子孫也此日本之制不能盡採者一也又如貴族諸員其制本倣英國英國自開國以來皆貴族執政其富樞國其權敵君故其國會最初本由貴族組織而成後乃逐漸擴充分權平民故貴族獨立一院勢使然也歐洲各國其情形大率與英相近故上院亦多列貴族日本雖在亞洲然維新以前諸藩並立君主守府一如我春秋戰國時代其所謂華族者遠或溯源三百年以前者亦百數十載勢位割然不與齊民伍故貴族與非貴族之界甚為分明中國不然其五等之爵如曾左李之裔舉十八省不過數家其始亦皆起自寒素非有特別之門閥也其子孫非居現職者則其對於國家之權利義務與平民無殊也夫國初從龍之彥及康乾間以武功邀爵賞者其

情形亦大畧相同且世澤既替者十而八九焉與英國日本迥不同科矣故中國實無貴族之國也夫貴族中古之陋習也各國之爭亂大事皆起於是自百年來公理大明世運一轉各國貴族平民之界始漸泯史家稱為大進化之時代焉若我國則自秦漢以後此等陋習已漸即漸滅至今而毫無復高閣寒門之分惟才是視惟賢是崇雖布衣可以立致卿相此吾中國之特色而各國百年前所不能幾者也今當立憲法興議院益趨於與民同治之休若於此而忽然別立一等級曰此貴族也有特別之權利異於齊民也非惟不足以服天下抑去所世之文明而返諸中古之蠻野真莫甚焉此日本之制不能盡採者二也

未完

要緊新聞

命戴端補游和國○出考考政治大臣原擬游歷各大國考查政治即便回國并無全游各國之議尋以丹瑞那威等國次第請游因命大臣等順道游歷以資考察而敦睦誼昨聞有旨著電戴端兩大臣前往和蘭國游歷云

奏參衡州太守○湖南衡州知府唐太守步瀛近為吳侍御保奏參至所參各節若何容俟續查

奏查棍徒設局誘騙○近有御史王誠義奏棍徒設局誘騙逼良為娼請飭查拏聞已飭協巡營查辦矣

法使商議改易雲土銷場○查中法商約五條內載法國人及法國保護之人准在龍州蒙自蠻耗三處運銷雲土照章納稅近據法使照會蠻耗一口銷貨無多且多繞越請將蠻耗一口改在河口地方并加入馬利堡一處庶彼此商務較為便利云云前經外部照復以約章具在勢難更改等語近來法使復以此事再行照會懇准照辦現經外戶兩部以事難懸揣移咨黔督體察情形迅速報部以憑辦理矣

左右兩翼房地稅契改用部照○向來京城地面房地稅契均歸兩翼印契收稅惟相沿日久恐滋流弊昨經鐵大司農特諭以後房地稅契均須領取戶部執照以便稽查昨已點派慶琛余晉芳二君妥為經理矣

蕪湖關運餉籌解稅款○各省關結期往往延不奏報前經戶部奏明通飭各關所有未報各結統限文到三個月內作速造報并令迅將各關積儲稅款全數運解戶部前已恭錄諭旨准齊關道遵辦在案現據蕪湖關監督曾憲池奏稱該關運餉首先籌解銀二十萬兩分批解部交納從此各關與戶部有直接之便利當不至如前之虞云

奏請自辦郵政○鄂督張宮保奏請將郵政改歸中國自辦稿業已到京

鄂督將擬乞休○鄂督張宮保近因財政困難辦事棘手且屢為小人指摘決計於秋操後乞休云

湖北鐵路辦法○粵漢鐵路湖北一段(由武昌府至岳州府)原議定由湖北籌款自修刻下湖北籌款維艱富紳又多不認股張宮保不得已飭官錢局籌款六百萬承修民間有願入股者聽惟不專恃民間集股云

漢關道將入京陛見○漢口新任江漢關道陳少石觀察已於十四日抵漢十八日卯時接印交卸關道繼蓮溪方伯尙需赴京陛見

池州土匪滋事○安徽池州府建德縣有匪滋事聯中丞已調兵往剿

荻港罷市之原因○皖南繁昌縣屬荻港鎮有罷市之風潮查此事緣起係因該鎮釐卡委員馮某信縱司事魯某萬某汪某等於向例不應在該卡納捐之過境船強加勒捐并將船上某職商毆擊落水斃命因此各行號羣起而攻之一面罷市以相抵制一面赴司局呈請澈底查究云

河南土匪猖獗○河南光州息縣交界之烏龍集地方土匪起事縱火搶掠勢甚洶湧附近居民紛紛逃徙南汝光道朱觀察得信後已派兵前往彈壓勦辦

提學使有考查學務之說○各省政派提學使已見 明諭現聞各員有須先到日本考查學務之說

譯電

土耳其允撤駐埃兵隊○西歷五月十四號倫敦電云英土兩國關於埃及邊界問題現土國政府已允稍為讓步將駐紮埃及界及其他各處兵隊一律撤回云

摘譯東西各報

交還威海衛條款○聞外務部唐侍郎近經與駐京英使薩道義商定收回威海衛條款照錄如下(一)中英兩國自此交誼日篤英國允將威海衛交還中國中國可用此為海軍根據地(二)中國須設法振興威海衛及劉公島商務(三)以後非經英國認可中國不得將威海衛租讓他國四中國須多調兵隊駐紮威海衛以保護外國人及中國人商務產業 譯京津泰晤士報

警部禁阻洋商開店○巡警部照會外務部謂外國商人以後不得在租界外城廂內外開設店舖請咨行各國公使轉飭商人查照辦理等語又諭飭內外城各警局總辦副辦嗣後遇有外國商人在租界外新開商店一律禁阻以省交涉云云 譯益聞西報

俄相助自由黨○俄相威德公爵近亦有贊助自由黨之意於議院開議時竟能服從多數之意見云 譯警衛西報

教皇不干涉選舉權○羅馬教皇近已宣告決不干預法國選舉權云 譯警衛西報

德土謀築車站○德國駐君士坦丁堡公使近當土耳其政府會議巴革達德(古回教王之京城地屬亞刺伯)鐵路事宜擬在哥亞支拉(保波斯海灣之口岸約距巴革達德三百五十英里)建築火車站專為德土兩國謀擴充波斯海灣商務起見英國駐君士坦丁堡公使極力反對此舉並嚴詞詰責土耳其政府云 譯警衛西報

紐約資本家建築舊金山埠○紐約大資本家允集款一萬萬金元修復舊金山埠已請大建築家伯亞威君相度地勢繪出新圖加緯寬尼亞自總董事亦到舊金山規畫一切并與該埠各大商業家各大資本家詢謀僉同不日即鳩工庇材大興土木云 譯益聞西報

舊金山華人在埠外建埠○舊金山地震奇災中國商人工入所寄集之唐人街燬掃一空現在舊金山埠謀復舊觀美政府擬將中國人遷出埠外另擇地址任中國人自建商埠此議已決計實行云

日本海戰紀念會○日本陽曆七月念八日即(日俄水戰日)日本海大海戰之第一紀念日目下由海軍部內準備開盛大之紀念會云 大阪朝日新聞東京電話

日俄國交之前途○向在日本松山所收容之俄國俘虜某現今歸至俄國之(歐鐵沙)地方傳說伊在松山滯居時有日本某參謀士官言日俄兩國不五年間將再起戰爭云 (以上國民新報桑港電)

俄輪航開航○長崎電東清鐵道雇用船第三(奧巴天)號定期自陽五月十五日向長崎港海參威之間開始航業(按此航業即由西比利亞鐵道以至日本可以交通之聯絡船云 東京朝日新聞)

滿洲經營大方針○日本所設滿洲經營調查會屢次開會現在大概之調查既經竣事而其結果則以若槻君酒匂君

等員爲實地之視察須待其報告然後決定其經營之大方針云 中央新聞

日本派鐵路守備隊○日本派東清鐵道昌圖府以北之守備隊已於陽五月一日向昌圖出發云（此昌圖府以北之鐵道係戰時日本尚未得領直至日條約約定議乃歸日本之所有故昨日俄向軍派員辦理其鐵路之受援云

萬朝報遼陽電

日本文武之視察○日本外務省書記官本多氏民政署事務官島村氏現於鐵嶺縣視察該地方（日本人所設）商

品陳列所又工兵部長加藤氏及砲兵部長等視察該兵營之情形云（大阪朝日新聞鐵嶺電）

馬賊之跳梁○奉天省本營湖附近地方日本軍宗像少尉被馬賊狙擊幸僅斃其所騎之馬云 大阪朝日新聞鐵嶺電

巴里暴動之慘狀○陽五月一日巴里唯會社主義之勞働者即勞役夫釀起大激烈之暴動在巴里集中之軍隊七萬名前往鎮壓而兩相爭鬪互有負傷云（中央新聞）

選錄京外各報

慈容賜贈謹誌○駐京日使內田君現因期滿奉歸國業已親見辭行聞 太后特將慈容照片一軸賜與內田

君夫人留爲紀念飭慶邸於本月初六日齋赴日使館又西班牙國王現屆成婚之期間 太后亦將油繪慈容

一幅交該國駐使妥寄歸國藉中賀忱云 南方報

兩宮特撥巨款開辦女學○學部電囑五大臣考察女學已見專電茲悉日前端載二大臣已有電到京奏陳考察美國女子教育情形請設立女學堂振興本國女學等語聞 兩宮覽奏甚爲嘉許旋即撥十萬兩爲開辦女學堂經費並

派某王之姊爲該堂監督云 南方報

英使繞道赴甯商榷交涉○英薩使國聞擬繞道赴甯與江督周玉瞻商榷上海公堂案交涉 南方報

粵督電述粵路舉定總理○粵督岑制軍電達商部略言粵東路事已公舉鄭官應爲總理黃景棠爲副理業已專摺具奏 中外日報

樟腦開局後之辦法○閩省樟腦歸官辦後所有各府屬民間設灶私熬均限於三月底一律封禁此後如欲採辦均須赴局報明領照其已成之樟腦腦油原限三月底均須投局照時價估賣茲又奉准寬限兩禮拜此後均不得私自售賣并聞凡民間到局認領自行製造包辦者樟樹之本及運費均由官出樟腦每百斤約以百元易之如此則灶戶亦無慮吃虧也 申報

浙撫駁洋商不得在內地設棧○英商麥邊洋行在杭州江干地方設立洋棧裝運貨物行銷衢紹等府屬殊違約章恐啓闖越釐卡之漸由釐卡總局稟請張中丞照會英領事施彌德君飭速移至拱宸橋通商場茲悉已逾數月該商延不遵依因又函催據施君聲稱江干與拱宸橋兩處地方無甚分別何必遽令遷移且查馬關和約亦無違背之處該商因便轉運堆積而設尙無不合等語初七日施君復詣洋務局謁見世益之觀察詳細盤詰現又稟明中丞查核約章援引指駁無論如何該洋商未便在內地設立行棧以理與爭未識能勉期遷移否 南方報

英外部能明上海租界公共公堂權限○英議院麥克時君問英外務大臣格來君曰今聞中國之英租界內每逢會訊公堂審訊華人之時英領事與華官同審故英領事判華人之罪名或責打或枷號種種酷刑倘果有其事未知是我帝國政府准其如是而行之否 格來君答曰我國領事之與華官同審者不過觀官審耳此亦我英人應有之利也爲確實者因吾人斷不能破壞中國判斷之權亦不能改變中國之律法也麥克時君又問曰凡會審公堂於判斷各案罪名之時是否須先由英領事允准然後判斷格來君曰此吾不知因公堂爲華人之公堂判斷亦華官之判斷既不能破壞中國判斷之權吾人斷不能改其律法也 新聞報

考察政治大臣用法返德○中國考察政治大臣葉已由法返德現在撒遜尼聯邦考察一切教育工業等事昨日撒遜尼王接見彼等並賜寶星有差兼由王弟喬治親王陪宴而前上海德總領事納貝君現已復往領導一切矣 南方

商務札知比國華茶之銷場○中國出口之貨以茶爲大宗而運往比國銷場亦居其一商務員劉錫昌注意查考日

前具稟欽使轉咨商部昨奉商部咨行到粵俾業茶者有所稽查商部創文照錄如下 商部為制勸事光緒三十二年三月十三日准駐比楊大臣查據商務隨員劉錫昌稟稱比國城鄉肆店皆用英茶即錫蘭茶以錫蘭茶賤華茶貴故英人以錫茶充華茶管入肆吸者味殊劣索觀茶瓶上有華字店號蓋舊瓶也昔飲華茶者甚少近有比人設中國雜貨舖銷東洋磁器中國茶葉其招牌係謙昌隆號注本號在粵東省城河南揀選正山包種發客等字樣華茶行銷於比以御用和茶為多次則素馨及北穀花配合為細茶又次則上等素馨細茶御用者比主每晨必飲者也攪和者以中國貢柯茶素馨茶錫蘭茶配合再加中國香茶名播馨(以上均譯音)其價每華秤十四兩值三佛郎一素至六肆所售之錫茶僅值二佛郎素馨及北穀花配合細茶每十四兩值四佛郎七素上等素馨細茶每十四兩值三佛郎四素晚間茶會樂用此茶以細而消食且不至碍眠去年黎萊斯賽會通運公司設茶肆茶客頗多吸畢購一罐一包以為示人之品罕購整箱者可知非必需之物等語本大臣查散魯斯會茶商方臬擬赴黎萊斯而不果寄樣數箱評得超憑近通運公司欲竭力振興其志可嘉比廷於茶之一項為用不煩且不徵稅等因前來查比國甚重華茶惟市面貿易往往為錫茶東洋茶所奪故銷場稍隘該隨員所陳貨品價格頗為詳悉相應札飭該商會博知茶葉商董酌議可也此札右列廣州商會知悉 廣東安雅報

俄公使之言○聞俄公使向清國云清國已允日本在奉天英國在西藏均有優等利益獨對於俄國則處處不允且欲將俄國興起之哈爾濱闢為公共商埠即撥諸交友之道清國亦甚薄於俄也則中俄專約安能望其成耶苟其清國或以伊犁或以庫倫准以一處允俄國亦有優等之利益則俄國亦何必故將中俄專約久懸不結致令外間各報動輒稱俄國有意為要索之計而離間中俄數十年之交好蓋俄國並非有意欲索要中國利益不過為轉圓面子而已云云 天津日日新聞

電飭考察教例○出洋考察政治五大臣受命之初原以詳查各國政體為首務近聞政府以中國各有教案盡起苦無善法以享和平之福特電飭該大臣就近查考新舊教例以便議籌維持補救之法 天津日日新聞

選秀女之例將廢○從前本有定年挑選大員子女充當宮女之例然甚為苦楚聞 太后有意欲將此例永遠廢去未知確否 天津日日新聞

代粵督匯賑災款之集議○初五日岑督札善後局捐款六萬兩著九善堂匯往金山大埠昨在愛育堂集議已舉定寶昌陳惠甫初五夜輪往港電匯捐款交梁欽使代收發災區賑濟電云駐美使梁大人鑒岑宮保札善後局交九善堂匯賑金山大埠災民銀六萬兩全奉核美銀 連前二萬零一百元妥收覆愛育堂等並陳惠甫當眾聲明蒙諸君公推往港電匯賑款原有回而用項一概提出以充公款并來往費用俱係自備以盡同胞義務云經書記登明公事部內俾各鼓勵云并將善堂匯款往賑華倫南錄下 廣東梁欽使大人鈞鑒敬達者昨奉廣州憲照會內開奉岑督師札開駐美梁欽使電移舊金山大埠地震全埠遇災情形飭即電匯賑濟等因仰見周急情摯各善堂同胞等均感佩無既茲先由萬國寶通銀行匯上銀四萬九千核美銀二萬零一百元祈察收并速發賑感感如後有捐款無論多少當即陸續匯費上神分發也 廣東安雅報

批准權理人接收接洽之詳述○前紳商具稟岑督申明粵漢鐵路局遵照交歸商辦初六傍晚時候督轅始將稟批牌日將岑督允准稟咨立案乃勸權理人前往接收并札粵漢鐵路局遵照商辦初六傍晚時候督轅始將稟批牌示其示文據稟公同舉定投筒最佔多數之鄭官應為 辦黃景棠為副辦許應鴻周麟述左宗蕃為坐辦担任路事遵照商辦辦理准即如稟奏咨立案仰即刻日擬定迅將路事接收妥辦並候行粵漢鐵路局遵照云云並聞省中紳商接得此批擬於即日稟開特別會議商酌由權理人前往鐵路局一切接收鐵路事宜云 廣東安雅報

江甯路線續誌○浙江江甯第一段路線議定穿城而不填河近已經副工程師邵君文彪勘訖繪就草圖一張從向來填塞之小北門連車新橋地方繞至東園直上羊市街另闢城關而出本已可以定議惟探知同鄉京官之意總不以穿城為然謂京師穿城係外人所為非 朝廷本意且名為穿城實城外耳不足援以為例因此將軍瑞爵帥撫台張筱帥亦未便率爾 奏請現經鐵路公司湯劉二總理電致王相國電文內有杭商願路穿城駐防可允懇請飛電樊陸柏三決議按樊係介軒翰講陸係春江中丞柏係研香統制三係六橋太守西河各臭溝能填作軌尤便等語按填河之說久已作罷茲再提議及之者意在透過一層纔可達穿城之目的耳 新聞報

紀韓汝庚等十九人斥出學界事○各報均載楊使參劾留學生韓汝庚等十九人一事北京外部不允所請作為罷論而東京於近數十日頗有傳說謂楊向日本外務省再三要求務必照原奏斥退十九人出學為憾其意該部答以十九人未犯法律敝國礙難照辦楊仍復照常要求外部即以對等權利相索楊許之日祇要責省尤如所託則相

之報酬固應爾爾也傳說如此謂係由某游歷官口述此游歷官與使署隨員有舊而遊歷官又與某學生爲舊請其說較確今於中歷四月初二日成城學校校長面告官費生王克家自費生向作舟曰貴國公使已向外部省辦好交涉斥二君出敝校竊念二君素好學術且六月即當畢業誠有爲山九勿功虧一簣之慨僕欲挽留二君而公使已向外部省開正式交涉得其許可僕亦無可如何如非予之得罪二君實貴國公使爲之二君請移出敝校已兩君曰諾公使既命吾退學吾亦不能與公使抗遂辭出其他十七人不在成城者不日亦當退學已嗚呼此十九人者因公獲罪乃至併求學之自由而奪之楊使此舉本已失當況又有以權利擅許他國之事耶吾不解楊使何必爲此過甚也 上海時報

德藩宴待中國出洋大臣○德文報接柏林電云中國出洋考察政治大臣已由法回德隨往薩克森納游歷參觀各工藝廠昨日由該處藩王接見蒙贈寶星多座復又蒙設宴款待由具弟翹亨翹麒親王陪宴一切舉動仍由前駐上海德總領事納伯君爲之指導云 上海時報

俄軍過叻○有俄軍二千餘名由海參威運回俄德撤城昨日抵叻暫停不日啟行 南洋總匯報

美議院不以添造軍艦爲然○華盛頓電云美國議院議紳近與海軍部員各有意見議紳不肯授權海軍部添造戰艦而美總統亦謂美國海軍尙屬充足無容添新故議紳等遂與海軍部反對不准添造新艦云 南洋總匯報
德報評德東政策○德國某新聞言泰西強大之俄國既受日本之大擊在今日而歐洲殆無有雄飛於極東者矣我德國若欲於中國期其改等之成功復溫和之手段得中國之歡心其實唯一無二之政畧也 南洋總匯報
法國創設無線電信學校○法國海軍省特在拔蘭士德創設一無線電信學校屬防禦該校之創設爲養成無線電通信之專門教員總督指揮之下指定海軍省所管船雷而號爲練習船其課程已自華歷正月四日開始南洋總匯報

專件

廣東按察使沈愛蒼廉訪批廣東述善學堂學生馮啓光控大德恒號夥趙前光案由
爲牌示事上月二十七日巡警局委員呈判大德恒號夥趙前光攔刀入述善學堂向學生馮啓光索欠一案訊據馮啓

光自認借銀屬實趙前光亦僅認索欠不認恐嚇兩詞各執未據供有別情擬罰銀驅逐完案本司以該委所判按照兇徒持械未傷人專條比擬按照新章改杖責爲罰金因惡其闖入學堂所以批令加十倍議罰此等辦法遵例酌情不得謂之苛縱乃連日各報館推波助瀾謂委員爲趙前光飾卸庇護邀集公私各學堂演說對待並由述善堂董事函致本司請再爲枷責本司答以本案已經稟院奉准完案重行科罰成何政體若有別情須本家稟控方能究問該董復稱馮啓光係屬孤子與趙前光並無瓜葛有何感情有何希望慨然解囊償與不合年齡之小孩既慨借之又持刀索之其中必有不能達其目的之實情等語並呈全體學生公稟請批前來稟中亦未叙及另有他項情節似此捕風捉影本家不具控指証旁人何能代謀若使問官憑空追求萬一本人不甘聽受致生他變咎將誰歸學生報館皆開通風氣者今欲不問情由但求快意不遵新章必令再爲枷責一趙前光有何足惜單以力任文明之人忽有此不文明之責備是使頒行政良之新律不信於天下矣本司若因自己見好起見曲法以徇不情之請恐改訂新律之大臣又將以違背新章見責忝爲執法之官無所逃罪但書辭無頗當官而行亦斷不因不近情理之言論而隨之軒輊也各堂學生方在劬學之年若使人家子弟有在堂肄業者其家有官事皆牽率全體學生演說對待以抗法律則旬旬公庭惟日不足矣不大損聲價耶總之上下各有職守各有權限詞訟案件有兩造在有合式之法律在無事旁人之扛幫問官不公有上官料察在有原告上控在無事局外之代籌刑政紀綱所係甚大士氣太囂非地方之福亦非士林之福易曰履霜堅冰至比年以來不無事矣本司不願報館學堂更存此干名犯義之舉動不能不苦口而效忠告也合行牌示其各勉旃 學生稟批

學堂無不准索賈之例趙前光之不合處在攔刀耳然攔刀而不傷人不能以謀殺已定之罪罪之也局委斷此案以兇徒聚眾持械未傷人例比擬應杖一百遵章改爲罰金加之以驅逐並不爲寬縱至闖學應得何罪名律無明文即此照擅入行宮營門亦不過杖一百比照入關防衙署止於杖八十不能加以重罪也今趙前光罪至十倍猶以爲不足蔽辜則真無律之可科矣趙前光何足惜諸生舍業爲此不平之鳴正欲以不文明之律律趙前光殊可惜也本司之所以難爲預決者學堂學生名譽計耳豈於此輩而有所顧惜哉諸生倘以爲不足齒數不值與較業已科罰置之不問可也若以爲其中尙有他項情節不可不追問則由其本家具控指証本司另行提訊懲辦亦無不可諸生切勿爲浮說所惑自損聲價有厚望焉

批摺摘由

四月十九日

內務府奏二十二日 昭顯廟辦道場請 派員行禮事奉 旨派出慶麟 秀吉奏年滿總散管連瑞可否藉補前鋒
參領之缺請 旨事奉 旨依議 又四月二十日政務處一件
戶部議覆准北餘鹽官棧分別准駁奉 旨依議

四月二十日摺十三件

學部奏選保直省提學使請簡放 另有旨 載潤奏員外郎勝繼期滿銷試俸 著照所請吏部知道 又上年廣恩
庫收發銀數 該衙門知道單併發 又請以拜唐阿從顯補茶膳上人奉 旨知道了 壽蔭奏報銷餉養馬匹用過
銀數 該部知道 又查明旗營逃人名數 該部知道 又報銷用過籌備補軍裝息銀 該部知道 瑞良奏請
以趙綏之補上蔡縣令 吏部議奏 又彙奏貞烈婦女請旌表 該部議奏單併發 又三十年實徵漕項銀數 戶
部知道單併發 又河南改設陸軍小學堂開學日期 該衙門知道 又領解留京陸軍閏四月五月餉銀 戶部知
道 又起解本年頭批京餉 戶部知道

奏稿

修訂法律大臣刑部左侍郎沈家本右侍郎伍廷芳謹 奏為偽造外國銀幣例無治罪明文擬請設立專條以資引用
恭摺仰祈 聖鑒事竊維銀圓創自外洋西班牙墨西哥諸國中國近亦鑄造各省流通行惟利益所在詐偽因之
而生是以私造變造之案層見迭出上年財政處會同戶部奏請嚴定私造銀元銅元紙幣治罪章程經刑部議以按照
私鑄制錢例從嚴治罪凡私鑄銀元銅元偽造紙幣不論贓數次數但經鑄成遺就為首及匠人均擬斬監候照章改為
絞監候秋審入于情實為從發遣新疆給官兵為奴受雇及知情買使者杖一百徒二年如鑄造未成畏罪中止者為首
及匠人發極邊足四千里充軍等因奏准通行在案是私造銀銅元紙幣已有定章可循惟是此項新章係專指私造中
國銀銅元紙幣而設誠以銀銅元紙幣為我 國家財政所繫故擬罪獨從其重至于外國銀元中國雖一律通行惟究
與國寶不同如有偽造擬罪自應略分輕重以示區別查各國法律私鑄一項均以本國外國分別治罪如法國刑法凡

(三十)

偽造改造金銀貨幣處無期徒刑偽造改造外國貨幣處有期徒刑俄國刑法凡私鑄俄國錢幣無限公權全奪罰作八
年以上十年以下苦工私鑄外國錢幣無限公權全奪罰作四年以上六年以下苦工英國刑法凡偽造貨幣處終身徒
刑偽造外國貨幣處五年至七年之徒刑或二年以下之囚獄日本改正刑法以行使之目的將通用貨幣紙幣偽造變
造者處無期或五年以上之懲役將國內流通之外國貨幣紙幣偽造變造者處三年以下之懲役是俄法英日各國治
罪之輕重雖有不同而私造外國貨幣均較本國處刑為輕現在中國銀幣盛行而外國銀元流通內地並無歧視以致
偽造外國銀元人犯在所多有現行律例並無治罪明文與其就案酌酌臨事鮮有依據何如定立專條隨時可資引用
臣等公同商酌擬請嗣後凡偽造外國銀元行使無論贓數次數多寡為首及匠人均於奏定私鑄銀幣章程絞罪上減
一等擬以流三千里其為從及鑄造未成之犯各於流罪上減一等問擬所得流徒罪名仍照章收入習藝所工作似此
明定章程庶立法寬嚴得中而匪徒知所警戒矣如蒙 俞允即由臣等通行內外問刑衙門一體遵照所有臣等擬
請設立偽造外國銀幣治罪專條緣由謹恭摺具陳伏乞 皇太后 皇上聖鑒謹 奏光緒三十二年四月初二
日具奏奉 旨依議欽此

貽穀片 再查歸化城土默特蒙古向以耕牧為生 國初時各有戶口地畝得食屯租該旗官兵等藉資養贍迄今
二百餘年漢民租墾寄居蒙地漸促失業業者多生計艱難已非一日兼之官兵皆無俸餉其廉靜守法者或因公賠累其
居心貪鄙者不免因緣為奸奴才等到任後詳加體察非籌給津貼俾得稍資補助勢難責其潔已奉公查該旗向在大
青山後設有卡倫原為保護往來商旅刻下山後一帶牧地墾墾密聚經添設武川廳治復繁有口外續備軍緩
遠城亦有防駐卡倫官兵隨時巡邏足資保衛土默特卡倫已成虛設此項卡倫盤費向由歸化廳經徵土默特生息項
下照案支發近因該廳歷年積欠其支發之款亦未盡作卡倫正用奴才等公同商酌與其循例虛糜不如改歸實濟已
飭自上年十月停放擬請將此項卡倫盤費每年約計銀三千四百兩內留將軍衙門辦理土默特一切公事經費二百
兩續添副都統公費四百兩餘分作各屬當差參佐驍騎校前鋒校各官及各項當差兵丁津貼之需如此一轉移間各
官兵等必當漸生感奮遇有差遣亦可資以廉隅於政體不無裨益如蒙 俞允即將該官兵津貼數目先行造冊咨
部備案俟每歲年底再行報銷一面嚴飭歸化廳徵新催舊毋任拖欠奴才等為整頓蒙旗政治起見是否有當謹合詞
附片具陳伏乞 聖鑒訓示謹 奏奉 硃批著照所請該衙門知道欽此

(二十)

奴才貽穀奴才文祈璋跪奏為土默特參領恃勢詐財苦累蒙恩擬請先行革職歸案審訊恭摺仰祈 聖鑒事

維土默特政體日壞蒙計日艱爭地爭財訟多於民詞而案難以理斷其弊在無訟不有人唆尤多出於參佐各官在聽訟者已曲意瞻徇在唆訟者尙多方挾制訟案歲至百餘起迄無一案能結奴才貽穀有統轄該旗之責軍級後僅將營制台務釐稅庫儲諸大端漸次整頓獨於一切詞訟本能一一悉心經理固副都統責有攸歸亦奴才力有未逮奴才文哲自上年抵任每于接見旗屬各員無不留心考察並隨時勸以清潔自愛正會商籌辦公費俾養廉隅乃有參領福森恃勢欺凌詐財唆訟據該屬已故世管佐領福克津之妻呈控該參領勒逼該氏改節等情迭派戶兵兩司傳訊均以挾制逼迫迴避嗣經奴才文祈璋傳集面訊暨一應人証該參領經認贓不諱仍恃狡展正在核辦間復據該屬下領催七十二等聯名呈控該參領迭次勒捐屬下地約多張索賄多欺業已取入現復苦逼不休實屬無力支應等情前來奴才等伏思土默特蒙業全失牛路已無該參領以蒙治蒙宜如何格以撫卹乃自殘族類肆行剝削所屬無男婦均敢怒而不敢言一有挺險仰邀遂致一挫自隨其平日虐加苦累令人萬難隱忍者已可概見似此目無法紀形同無賴之員若不從嚴查辦何以儆官邪而蘇蒙困相應請 旨將參領福森先行革職以便飭交歸化廳同知會同蒙員審訊按例擬辦所有參領恃勢詐財請革職歸案審訊緣由理合恭摺具陳伏乞 皇太后 皇上聖鑒訓示再奴才貽穀前因感冒觸發舊疾請假一箇月旋又續假二十日現已調治就痊應遵即銷假合併陳明謹 奏奉 硃批著照所請該衙門知道欽此

戶部謹 奏為江海各口出入米數應行切實稽查仍擬酌提米捐解部以便考核而裨部庫恭摺具陳仰祈 聖鑒事竊臣部於上年十月間議覆署兩江總督電奏蘇省連年禁米出口內地存米已多暫請弛禁運米出口摺內聲明請令兩江督撫年內米麥暫准出口其關稅外所帶徵各該省義捐嗣後以銀一錢提解部庫四分四釐留充該省公用垂為定章並不准另立名目格外加收其出入各口米數並令沿江沿海督撫互相稽核按月冊報仍於年終彙總奏明以便臣部列表稽查此外未盡事宜應查照臣部外務部會議各條章程辦理等因奉准行知該省遵照在案嗣於是年十二月間議准兩江米禁展限並擬確查米捐摺內聲明蕪湖章程江皖兩省究竟各另抽米釐銀若干該署督前此所稱江北開禁照蕪湖取捐此次上海照蕪湖收捐有何畫一章程本年冬季蕪湖上海鹽早海關等處各收前項捐數若干華商每石認捐一錢有無窒碍兩江督撫迅即查明先行覆奏以便臣部斟酌辦理等因奉准行知該省遵照亦在案臣

部所以必欲沿江沿海督撫互稽各口出入米數而又斤斤於酌提米捐解部者良以二十九年三月臣部與外務部會議江海各口現籌運米辦法摺內兩江漕運各總督江蘇巡撫等原奏有運米出口與出洋不同出洋之米非接濟匪糧即轉輸外國無論年歲豐歉所當永遠嚴禁出口之米由此口轉彼口仍在中國境內互通有無條約載明華洋商人均准販運等語也然非實力稽查各口米數無以知其是否出口與出洋亦非在石酌提米捐解部則各省督撫奉行故事一紙文書或前後參差或彼此抵牾出入米石且無由知其確數又何以知其果否出口與出洋此臣部上年所以累有奏咨行知各該省至今電覆交馳不憚言之諄切也乃就兩江言之該署督周馥本年三月覆奏遵查米捐摺內聲稱蕪湖米捐安徽向收每石四分四釐二十九年奏明加收一錢江蘇於二十一年奏明在蕪湖設卡每石收米釐銀一錢二十八年又加收四分四釐作為平糶義捐俾與皖省數目一律等語已與二十九年奏明張之洞等奏稱江皖兩省每石各另抽米釐銀一錢四分四釐米商遵繳無異行已七年之久年久遠近顯有不符而金陵駐蕪湖收輪船米釐每石係銀一錢四分四釐與皖一律則無疑義其每石另繳義捐銀一錢既據稱蕪湖鎮江上海現辦章程皆出自華商認繳與洋商無涉辦理尚無窒碍當屬實情至謂海關向無米穀出口並無平糶義捐可收鹽早雖屬產米之區向由仙溪出運餘僅零星售運附近各州縣並無大宗運出海口亦未在該處抽收平糶義捐等語殊與會議摺內前署督所稱鹽城阜甯等屬地處海濱向有外商販米糧載至煙台口外裝上輪船轉運外洋既經設局查禁如確係運往鄰省者查照鎮江蕪湖章程酌收義捐海州及贛榆縣屬之青口亦為出海通途一併設局稽查出口雜糧酌收義捐較運米者量為輕減等語立說迥不相同此則臣部所謂前後參差者也就江蘇與安徽言之金陵蘇州兩處總辦牙釐局近年造報百貨釐數均有米釐皖省則茶釐等項外別無米釐名目本年二月皖撫誠勳復奏蕪湖米捐需用無從提解摺內聲明舊收續收每石共銀一錢四分四釐等因雖或稱為釐或稱為捐或名義捐或名他捐由該省自立名目然證之本年二月該撫奏辦墾牧樹藝摺內所稱蕪湖一埠歲約出口米四五百萬石之言臣部姑以知石一錢四分四釐核計非惟皖省歲入米糧捐甚鉅即金國二十年分僅造報此項駐蕪所收米釐銀三十餘萬兩亦恐有未盡固臣等所謂彼此抵牾者也至就兩江兩廣言之粵督年來咨報進口米數均稱據粵海關稅務司申報摺開凡蕪湖來粵之米麥俱有蕪湖關道執照其餘則別口來粵者均無執照等語當經臣部電詢江督蘇撫旋據先後電稱據蕪湖關道復並無運粵米石不給執照之事既將繳銷運粵米照送開并稱已由粵稅司按旬報明粵督查核等語各執一說既難並同究之也

口之關何以米石漏洋如此其多未聞有逾限不繳執照罰保銀充公之事入口之關何以查驗米數與執照所開不符且並無執照率准轉賣而不罰辦以儆效尤二者均與會議摺內第一條章程所載稽查各口米石辦法不合此又臣等所謂彼此抵牾者也方今米禁正弛海道交通通州業議開埠將來裏下河等處之米不盡徑由鎮江海州亦議開埠將來沐陽一帶之糧明明可出青口豈復得與海關流通為辭惟燕鎮滬通海新舊各關皆可運米出路既多漏洋尤易與其散漫難稽不如運米多寡更歸一處總核與出入含混何如就捐計米臣部考核有資況當部庫萬分支細之時而得此數百萬石米捐之挹注在各該省減收無幾在臣部歲入頗增凡屬疆臣固本情殷似不宜藉口償餉需地方各用將米石釐捐全數截留而無絲毫裨益部庫臣等公同商酌擬請 旨飭令兩江總督會同江蘇安徽各巡撫暨江北提督嗣後江南北出口之米各該省每石所抽收銀一錢四分釐之數雖未能遽以一錢解部務須酌量提解奏明辦理訂定章程除該督所轄各關照常將出口米數目報臣部備查外仍應由該督於每歲年終彙總奏明燕鎮滬通海五廳本年各出口米麥若干內出運而求繳關照者若干共應收米捐銀若干內應提解部庫銀若干一一註明各口米糧有無漏洋不難查悉並請 飭下兩廣閩浙直隸總督浙江山東各巡撫嗣後如有各海關出口之米運赴彼口查無執照或米數與執照所開不符從嚴罰辦並一面查明起運之關庶符沿江沿海互相稽核之義所有臣部擬請嚴稽各口出入米數仍請酌提米捐緣由是否有當謹恭摺具陳伏乞 皇太后 皇上聖鑒謹 奏光緒三十二年四月十四日奉 旨知道了欽此

四川成都將軍奴才綽哈佈成都副都統奴才蘇增岱跪 奏為循例查閱滿營春操尙屬齊整可觀恭摺具 奏仰祈 聖鑒事竊照成都滿營每屆春秋二季將八旗官兵操練陣式合操一次由奴才等查閱完竣恭摺具 奏歷經遵辦在案查成都駐防于光緒二十六年六月間奴才綽哈佈前在將軍任內時挑選兵丁一千二百名專練馬隊分為兩翼四哨仿照行營規模酌改陣法飭派佐領防驍等官作為正副哨官責成八旗協領等會督操練著有成效茲值春令合操之際奴才等於三月十五等日前往較場將改練陣式詳加校閱步伐尙屬整齊槍砲亦能命中致遠一氣聯絡奴才等將操練優等之兵丁立予獎勵稍有生疎者當堂責治勒限演習以示勸懲仍嚴飭協領等力除積習勤加訓練期成勁旅以仰副 聖主整飭戎行控馭邊陲之至意所有奴才等循例查閱春操尙屬整齊緣由理合恭摺具 奏伏乞 皇太后 皇上聖鑒謹 奏奉 硃批知道了欽此